

宜章縣志



宜章縣志 第六卷

建置志

城池 學宮 官署 書院 坊表 區公所
警察所 禁煙所 育嬰堂 養濟院

城池 附三堡城

〔隋〕蕭銑據荊州遙控郴州諸地折郴南鄉為義章縣縣治

在永福鄉下村按〔舊唐書地理志〕載蕭銑分郴置縣在大業末而〔舊志〕作大業十三年丁丑永福下

村在今宜章縣西南四十里〔湖南通志〕作縣北蓋據永福舊治言之

〔唐〕武德七年廢義章八年復置按仍在永福鄉武后長壽元年分

義章置高平縣開元二十三年廢高平徙義章於高平廢縣今

縣治是

〔宋〕淳熙間縣令吳鑑築宜章土城

〔明〕成化八年知縣劉寧奏增築周圍五里三分高二丈五尺厚一丈下鑿隍濠闊二丈深四尺串樓五百零二間按先是天順八年廣西流賊劫城舊城多圯故築

正德三年邑尚書鄧庠謀於知縣邱雲漢申請南贛都御史周於三星橋白沙司白石渡抽分重砌基用大石上用大磚南北築月城城外築三關開城門四東曰景星南曰得勝西曰紫雲北曰朝天後改東曰麗春南曰迎薰西曰慶豐北曰拱辰建城樓四東曰賓陽南曰霽雲西曰懷鳳北曰望京明末四樓燬於兵燹

〔清〕康熙二十二年知縣鹿廷瑛因舊城傾頽重加整砌勘丈週圍四百六十一丈五尺折算計二里五分一十一丈五尺

二十四年宜郴營參將張文輝捐貲重建城東門賓陽樓旋復

地雍正九年知縣胡星另開新南門對三星橋名奎文門上建

奎文樓乾隆六十年知縣衛際可以宜隸邊境門多則防守難

周詳封新南門後復開如故嘉慶十六年知縣張映奎重修城

東門賓陽舊樓

道光十二年知縣王雲裁重修咸豐五年毀於賊六年知縣陳秀芝修復同治四年知縣姚念

揚補修

民國八年知事劉運鴻撤取城磚改築舊耆棚爲高等小

學校舊守備署爲女子學校嗣後建築圖書館及附郭碉堡均

取之於城磚城垣自此悉毀

按縣城南以黃岑水爲他三面向鑿有隄濠現均填塞僅存遺跡

〔黃沙堡城〕在縣西南九十里明洪武二十七年築

按三堡

統載洪武二十七年廣東連州長塘馬邑賊劫笠頭洞調茶陵衛百戶朱銘程寧蔡榮防守築黃沙堡城城高二丈

有奇縱橫各六十七丈週圍二百零四丈計一里三分南門曰

鎮南高七尺五寸廣六尺二寸北門曰朝天高八尺二寸廣七

尺東門畧窄西門封閉南北城樓二南樓高二丈中設觀北樓音座

高三丈中設關聖像民國十三年建築黃沙高等小學校於西城內

擴充城垣二丈設雨操場西門上築礮樓一座二十四年增築

東南北城上礮樓三座城內有鎮興朝仙騎龍城隍四廟

〔栗源堡城〕在縣南四十里明洪武二十七年築按三堡建置疏源載

洪武二十七年立堡防禦廣東西山梅花遼水羅陽洞長口賊路一說洪武十一年百戶廖武陳德奉調來宜永樂九年統領

軍旗把截隘城高一丈二尺厚一丈週圍二百零四丈計一里

三分南北城門二北城門上立關聖廟城內有城隍廟東城內有新城隍廟又有堂名所堂即舊百戶公

署莽山長樂水乳源遼水會合流於城下

〔芭離堡城〕在縣南七十里當黃沙栗源二堡之中明正統

四年築

按三堡建置源流載正統四年調撥郴州千戶下壘百戶柳詔鎮守設立堡城把截莽山牛頭山及西山聖

公增賊路城週圍計一里三分東北城門二

按順治八年流賊曹志健由廣西龍元關潛匿

宜境至芭離堡擄掠人民城垣盡壞今堡城惟存東南二隅西北傾圯

按易稱重門擊柝以待暴客周禮地官司門掌授管鍵以啓閉國門譏出入古之於城其重於此宜章介楚粵之交古稱巖邑自宋以來城墉仡仡而三堡亦分築土城置戍兵以防獫寇慎固封守設置固已周矣民國肇建官民徂於近安而怠遠慮倡議撤城西北兩面已處處可越東南則市民多鑿

城垣築屋宇三堡土城亦多傾圯一旦有警何以禦之縣城北枕高山清乾隆時山發蛟水北城圯水穿城南駛使在今日城中官民其爲魚乎利害相權可以憬然悟矣

附古城考

通志宜章古城考曰義章故城有二一在縣北四十里隋末置縣唐開元中徙一統志義章隋大業末蕭銑分郴置武德七

年省八年復置長壽元年分南界置高平縣開元二十三年

廢高平仍移義章治高平廢縣舊唐書地理志一卽今宜章縣治唐

開元時所徙一統志義章縣開元時自縣北移於今理元和志嘉

慶舊縣志曰永福下村在今縣西南四十里通志作縣北誤

此舊省縣志云爾今據黃沙李峻林採訪稿云永福下村訪之耆老並無遺跡可尋舊治實在栗源堡境香口洞有村名營裏頭熊姓居之證一又有村名石街頭廖姓居之證二舊志載李毓錦香口洞詩曰煙草茫茫認故城證三此採訪稿云爾按隋末置縣其時干戈擾攘無殊僑置首尾不及百年度係土城久已夷爲平地永福下村旣無遺跡可尋香口洞之營裏頭十字街當係營堡中地名如以名論平和洞之城頭村城牆壩亦見舊志無有疑爲舊治所在地者凡置治必擇形勢適中之處香口洞較之永福下村地尤偏遠矣姑錄以備一說

學宮

〔五代以前無考〕〔宋〕始建學宮在縣治東九十步淳熙八年縣令雷濂徙縣治東六十步十二年縣令吳鎰重修象山陸九淵爲之記端平乙未縣令趙希逾以學宮夾於飛虎召募二塞之間曰矜佩絃誦豈可與介冑鉦鼓雜處遂遷於城外景星觀之右〔明〕正統中知縣馬經復改徙於城內縣治之西坐北向南朝天馬山正德間知縣莫汝器以學宮逼城垣徙於縣治東五十步朝榜山嘉靖四十年知縣陳傅堯徙於舊基之北仍朝天馬山隆慶五年知縣陳憲徙於縣治東萬歷乙卯知縣劉珍復徙於縣治西崇禎三年知縣甄尙曾徙東五十步〔清〕

順治十二年知縣張思正復徙於縣治東原建止聖殿兩廡戟門名宦鄉賢二祠餘俱未備因吳逆變亂多圯康熙二十一年知縣鹿廷瑛重修并建櫺星門二十二年教諭錢奇才訓導劉帶蕙復建明倫堂啟聖祠並濬泮池築橋三拱及左右圍垣殿前照牆康熙三十五年知縣蔣宗芝又徙於縣治西康熙四十六年知縣楊蒧又徙於縣治東康熙六十一年知縣周士及雍正八年知縣胡星兩次重修乾隆十六年知縣吳德元重修大成殿乾隆十八年教諭歐陽一正重修兩廡大成門乾隆四十七年邑舉人吳德漢生員段士元等呈請知縣曾衍蕃改建於景星觀之前觀廢改爲養正書院經五載始成中爲大成殿南向殿之兩

旁爲東西府前爲大門左爲名宦祠右爲鄉賢祠外櫺星門門外爲泮池外爲照牆東西爲禮門義路暨下馬碑後爲崇聖祠宜章營守備聞朝傑募修廟前大路邑庠生吳延梅捐濬上下泮池嘉慶十九年原任甘肅平羅縣典史吳楚翥生員吳楚翔兄弟重修泮池周繚磚牆上覆以石

按乾隆壬寅年遷建文廟地勢逼窄監生吳家蕃捐

田五畝作東西廡以下地基

道光六年丙戌縣紳劉統鳳倡捐改建經始丙

戌三月至七年丁亥六月落成知縣揭鳳喈爲之記是卽今之學宮光緒十二年教諭周綬榮重修民國五年駐軍破毀廩貢生鄭孝先募修十七年毀於共產黨十九年鄭孝先復募修現至聖牌位已無存兩廡先賢先儒石主被兵士取作講堂棹腳

二十九年創辦湘南中學校將兩廡及名宦鄉賢兩祠等處改築新式校舍僅大成殿巋然獨存亦改作禮堂

按吾縣在昔視學宮過重不知敬教勸學而以學宮之風水卜科第之盛衰自宋以來至十二遷始定今則視學宮過輕丁祭屢輟荆棘不除中央政府雖有明令禁駐軍隊而勢弗能禁任意摧殘狼藉不堪今昔是非姑置勿論而先代莊嚴壯麗之建築一任摧毀其傷慘爲何如耶外患日棘彼狡逞者乃藉口同文同教貌爲尊崇孔教欲以是籠絡人心傾覆我邦家而我國人一若熟視無覩焉嗚呼唏已

官署 附舊文武官署

〔縣署〕附〔司法署〕在城中偏北隅〔唐〕以前無考〔

宋〕淳熙時縣令雷淦建署〔康熙乙丑舊志〕自隋立縣建公署〔宋〕建炎中兵燹無存寄治圓

明〔明〕洪武初頒公解式於天下知縣李輔重建嘉靖十三

年知縣胡勃建譙樓五楹於儀門前〔郴州吏部左侍郎何孟春為之記〕清康熙

二十三年知縣鹿廷瑛建三房於舊縣署之左四十七年知縣

楊藏鼎建大堂八房儀門門東為監獄前為頭門甬道戒石坊

後為二堂三堂四堂五十七年知縣繆詵於幕廳左房建搏香

齋廢久六十年知縣周士於搏香齋大堂東偏建景宓堂旋改品

桂堂廢久乾隆十四年知縣吳德元重修大堂二十一年知縣楊

文植捐俸加修儀門譙樓及吏舍八房五十六年知縣石方川

重修三堂及二堂左偏花廳花廳即博香齋舊址廳前修戲台及桃李園皆品佳堂舊址

嘉慶十四年知縣張映奎以二堂舊制窪狹升高改建較加宏

敞嘉慶十八年知縣陳永圖於廳署後招買民房一棟園一所

按（舊志）縣署照壁一頭門一門內東偏爲獄禁儀門一譙樓一門左土地祠門右壇官祠門內甬道戒石坊一東西書吏

入房大堂一左蕭曹祠堂右護國祠煖閣一左右兩房爲庫二堂一東偏簽室花廳西偏書房二櫺及西馬棚二堂後三堂住

房一棟左右各一棟及火室雜舍署後抵園咸豐五年毀於賊六年知縣陳秀芝重

建九年復毀知縣吳清鵠重修十年又毀知縣雷壽南重修同

治元年知縣麻維緒增修於儀門懸一聯云窮秀才做官怕污

三世清名不受半文將法賣好百姓講理非被十分冤苦莫投

一字入門來宣統元年儀門改曰宜門

游傳儀誌

民國元年設行政

廳及司法署司法官周震東改修二堂爲法庭旋裁司法署行

政廳改稱知事公署民國十三年知事張維改修三堂左住房

爲會議廳額曰偃室十五年知事劉卓改頭門外照壁一字形

作凸字形增高二尺十七年大堂被共產黨焚燬善後委員會

重修左右設六區田賦征收處以原兩庫房爲征收員住室改

修二堂後住房爲辦公廳改頭門外照壁仍舊作一字形十八

年改稱縣政府二十六年七月一日設司法處於二堂右偏舊

書房

按民國儀門內戒石土坊地祠壇官祠蕭曹祠護國祠俱廢東西書吏八房先後爲警備隊政警隊住所二堂左偏

花廳民國元年設行政廳十七年設稽察委員會及餉械監理委員會二十年遷設財政局二十二年遷設義勇總隊部二十

五年併設社訓總隊部有偏舊書房民國十七年設善後委員會是年冬設財政局二十二年設義勇總隊部

〔監獄署〕舊稱典史署在縣治儀門外西偏舊志舊在縣治東今廢

清康熙二十四年遷建頭門一大堂五楹二堂三楹偏右書

房旁舍三楹嘉慶十五年典史章廷相重修咸豐五年毀於賊

同治二年典史胡如杰重修民國二十二年知事劉紹誠建總

門於頭門外左側題額曰宜章縣監獄署

〔監獄附〕舊監獄在縣治儀門外東偏舊志內監二間外監一間女監一

間禁卒八名〔清〕末監房傾頽遷設縣治儀門外西偏即監獄署頭門外左

偏民國七年知事劉運鴻以監房腐狹拓買民間園土一塊建

築新式監房十間又於署頭門外修監房三間男看守七名女